



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNIK

Broj: 01/13-04-639/21

Sarajevo: 03.02.2021. godine

Bosna i Hercegovina-Federacija Bosne i Hercegov.
Kanton Sarajevo - GRAD SARAJEVO
GRADSKO VIJEĆE

PRILJEŽENO:		04 FEB 2021	
Org. jed.	Broj	Prilog	Vrijednost
01-GR	04-134	21	

GRADSKO VIJEĆE GRADA SARAJEVA
PREDSJEDAVALJUĆI GRADSKOG VIJEĆA
Komisija za izbor i imenovanja

Predmet: Prijedlog za dodjelu nagrade „Graham Bamford”

Poštovani,

U skladu sa odredbom člana 12. Odluke o priznanjima i nagradi Grada Sarajeva („Službene novine Kantona Sarajevo”, broj 34/10 – prečišćeni tekst, 14/14, 31/14 i 11/20) kojom je, između ostalog, propisano da prijedlog za dodjelu Nagrade može podnijeti gradonačelnik Grada Sarajeva, podnosim

PRIJEDLOG
za dodjelu nagrade „Graham Bamford”
Ausilia Inaudi

OBRAZLOŽENJE

Ausilia Inaudi rođena je 01. septembra 1952. godine u Busci, malom gradu u provinciji Cuneo, u Pijemontu, na sjeveru Italije. Godine 1971. udala se za pravnika Roberta Collettija, i preselila se u Pescaru, rodni grad svog supruga. Ima četvero djece: Chiaru, Giadu, te blizance Claudia i Francesca. Vlasnica je privatne medicinsko-estetske klinike u Pescari još od 1980-ih godina.

Rođenje blizanaca 1991. godine bit će događaj koji će obilježiti genezu Ausilijine veze sa Bosnom i Hercegovinom. Tada se počinje zanimati za ratna dešavanja na teritoriji Bosne i Hercegovine. Razmišljanje o djeci Sarajeva i njihovom životu u opkoljenom gradu, postaje njena svakodnevnica.

Stoga je u novembru 1993. godine, tokom odvijanja najžešćih sukoba, odlučila doći u BiH, ostavljajući kod kuće četvero djece. Blizanci Claudio i Francesco su tada imali samo dvije godine.

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Prvo putovanje je bilo kombijem, a u grad ulazi preko planine Igman uz pomoć stranih mirovnih jedinica. U Sarajevo je došla bez ikakvih prethodnih poznanstava ili dogovora. Tokom prve posjete gradu, uspjela je uspostaviti kontakt sa Fondom IKRE, i tada dobiva informacije kako bi mogla pomoći djeci opkoljenog Sarajeva.

Nakon što se vratila u Italiju, odlučuje se osnovati dobrotvornu udrugu koju naziva A.S.I.S. (Udruženje za pomoć djetetu), sa ciljem pomoći što većem broju djece. Kroz kontakte koje je u međuvremenu razvila u BiH i odnose sa talijanskim konzulatom, Ausilia uspijeva stvoriti mrežu koja će joj omogućiti prebacivanje bosanske djece u Italiju.

Tokom ratnih dešavanja, Ausilia u BiH dolazi četiri puta. Kako bi omogućila prebacivanje prve grupe djece u Italiju, uz pomoć francuskog vojnog aviona, u decembru 1995. godine dolazi u Sarajevo. Već u januaru 1996. godine, grupa od 60 djece odlazi u Italiju. Prvo je uslijedilo putovanje autobusom do Splita, a zatim i let avionom AirOne za Pescaru.

Boravak djece u Italiji

Ausilia se putem udruženja brinula o tome da svako dijete dobije potrebnu vizu kako bi mogli boraviti u Italiji, ali i o pronalasku porodica u regiji Abruzzo koje će spremno dočekati bosansku djecu tokom trajanja boravišnih viza i stvoriti sistem usvajanja na daljinu. Taj sistem podrazumijeva organizovani dolazak djece u Italiju jednom do dva puta godišnje na mjesec dana. Dio tog sistema bilo je i redovno mjesečno stipendiranje djece tokom njihovog školovanja u Sarajevu.

Projekat koji je kreirala, zahvaljujući difuziji dobivenoj kroz italijansku štampu i vijesti, postaje uspješan i u ljeto 1996. godine čak 120 djece uspijeva doći u Italiju.

U međuvremenu, broj stipendista njene udruge dostigao je broj od 320 djece. Njen angažman nije se samo ogledao kroz finansiranje djece, nego je svoju primarnu djelatnost, medicinu, iskoristila kako bi što većem broju ranjene i oboljele djece omogućila svu potrebnu pomoć za vrijeme liječenja u Italiji nakon rata u BiH.

Mirni život u Pescari

Danas ona živi miran život u Pescari sa svojom porodicom i uspješna je poduzetnica.



Gradonačelnik
Mr. Abdulah Skaka